

國朝閨秀正始集

少蘭藏



道光辛卯鐫

閨秀正始集

紅香館藏板

弁言

昔孔子刪詩不廢閨房之作後世鄉先生每謂婦人女子職司酒漿縫紉而已不知周禮九嬪掌婦學之法婦德之下繼以婦言言固非辭章之謂要不離乎辭章者近是則女子學詩庸何傷乎獨是大雅不作詩教日漓或競浮艷之詞或涉纖佻之習甚且以風流放誕爲高大失敦厚溫柔之旨則非學詩之過實不學之過也余年在齠髻

先大人以爲當讀書明理遂命與二兄同學家塾
正始集

弁言

紅香館

受四子孝經毛詩爾雅諸書少長

先大人親授古今體詩諄諄以正始爲教余始稍學吟咏因閨中傳作較解針帶之餘偶得名媛各集輒手錄一二以誌心儀于歸後經理米鹽遂棄筆墨年來更耽靜養案頭所存惟性理數冊楞嚴一卷而已丙戌冬大兒麟慶防河偶暇檢余舊篋所存及閨秀諸同調投贈之作弁近日所得各集鈔錄成帙計得

國朝閨秀詩三千餘首請付諸築氏以廣流傳余

結習不忘披讀一過翻病其繁乃不揣固陋自加
點定凡篆刻雲霞寄懷風月而義不合於雅教者
雖美弗錄是卷所存僅得其半定集名曰正始體
裁不一性情各正雪艷冰清琴和玉潤庶無慚女
史之箴有合風人之旨爾

道光九年歲次屠維赤奮若如月長白完顏惲珠
書於大梁道署之補梅書屋

正始集

弁言

二

紅香館

序

詩三百篇大半皆婦人女子之作而二南冠以關
雎蓋正始之道教化之基所以風天下而端閨範
者在是矣古名媛多通翰墨班姬續史伏女傳經
巾幗之才直與鬚眉相抗若夫徐淑寫紅牋而寄
恨蘇蕙託錦字以傳情以及香蘭醉草之吟釵鳳
鏡鸞之句言情之作猶不失溫柔敦厚之遺至若
花裏送郎柳梢待月蔡文姬空傳笳拍魚元機漫
詠蕙蘭婦德有慚其去正始之音已遠然則學詩
正始集

序

紅香館

者必盡祛艷冶之詞而得其性情之正斯可繼二
南之風化卽選詩者亦必取其合乎興觀羣怨之
旨而不失幽閑貞靜之德然後與詩首關雎之義
相符吾蓋讀

珍浦太夫人正始集之選而知其得於詩教者深
也太夫人博通經史兼工六法德言俱備福慧兼
全其長於吟詠不待言而猶念閨門爲教化之原
欲有以風天下而端閨範故內治克修明章婦順
協蘋蘩之美擅鍾郝之徽雖古賢媛有過之無不

及馬曾刻李二曲先生全集先生蓋敦孝行而明
理學者太夫人以閨閣之賢而表章之則其崇本
樹德相夫子爲循吏訓令子爲名臣者有自來矣
是編詩不下千七百首計九百餘人凡浮華靡麗
之什概置弗錄且有不以詩存而以人傳者太夫
人積數十年之力蒐羅既富選擇必精用以微顯
闡幽垂爲懿範使婦人女子之學詩者發乎情止
乎禮義盡刪夫風雲月露之詞以合乎二南正始
之道將與班姬伏女媵美于秋而豈徒斤斤於章

正始集

序

二

紅香館

句也乎余未嫻咏絮深愧塗鴉拙句亦蒙採取且
屬弁言余與太夫人爲閨中友垂二十年其何敢
以不文辭遠荷詢羨自慚琢玉貽誚方家知不免
耳余老矣泝水燕山音塵遙隔不獲與太夫人揚
摧文史重聯昔日之懽而兒子承慶薄宦中州日
聆令嗣觀察公訓誨且得常侍絳帳紗幔之旁
以竊聞緒論則亦余之厚幸也夫

道光己丑仲夏若耶女史汪潘素心謹序

序

完顏惲太夫人選

國朝閨秀詩竟既得校讀一過復承來命俾爲之序自惟生長不離閨闈讀書無多於風雅流別實鮮知識何能爲一詞之贊願擊輓之訓平日習聞因勉就臆見所及約畧言之周南居國風之首而關雎葛覃卷耳樛木先列婦人諸作是知畫眉點頰者不廢言志申懷其從來遠矣世多謂女子有才非令德事夫含五常之性備五官之用女子亦

正始集

序

三

紅香館

人耳使或違踰禮法則雖才高柳絮顏若薜華猶當爲世所鄙棄若純靜專一而能職思其居聖人固將采而錄之矣况女子之於詩較男子爲尤近何也男子以四方爲志立德立功畢生莫殫吟詠一端宜其視爲餘藝女子則供衣服議酒食而外固多暇時又門內罕與外事離合悲喜之感發往往形諸篇什此如候蟲時鳥一任天機了無足異且敬姜不云乎勞則思思則善心生故嘗以爲女子之讀書屬文亦所以習之於勞而已今

太夫人是編操選綦嚴實有以整壹人心扶持壹
教與尋常月旦自命者不同自來詩家惟有唐稱
極盛其見於唐詩品彙者宮闈並女冠外彝尚不
滿四十人茲之所輯數幾廿倍固可見

聖代文治之隆亦由風會既開優柔漸漬于有餘
年而後婦人嫻此者與織紵組紃同其服習焉夫
女有四行次卽婦言言之不足而長言詠歎乃理
之自然苟言出於正存其言並存其人也固非以
矜張炫耀之意與其間也

正始集

序

四

紅香館

道光十一年歲次辛卯夏五月既望宛平黃友琴
謹序

國朝閨秀正始集例言

一是集皆輯我

朝閨秀所著其前朝者概不列入溯自

國初以來海內名媛後先疊出原不止集中所

載茲特就見聞所及擇雅正者付之梨棗

體制雖殊要不失敦厚溫柔之旨

一我

朝重熙累洽化起宮闈

母后妃主孝德休嘉徽柔著美不以文采見長卽

正始集

例言

紅香館

偶有吟咏亦非

臣妾

所敢妄錄

一 排比次序第一首錄宗室紅蘭主人女縣

君作尊

天潢也次錄 先高祖姑科德氏作述 祖德

也次錄族姑暉清於作重家學也次錄畢

韜文作標奇孝也次錄伊夫人作美賢淑

也次錄尹太夫人作昭慈範也次錄林氏

作揚貞烈也次錄希光作彰苦節也次錄

沈蕙玉作示女箴也次錄李氏作敦詩品

也餘則參仿

欽定國朝詩別裁體例分若干年爲一段落特名媛年齒後先莫可稽攷則以其夫若子之科名官爵爲斷其無科名官爵者按詩中可見之人約畧排次一切無攷者以得詩之先後編入

一采詩先取專集無專集者就各選本及詩話輯入餘則訪之族里閨友美不勝收今所選至多者人不過十首緣是集聊備采

正始集

例言

二

紅香館

風非爲專家刻稿至題壁等作里居名氏無可徵實不免有文人假託然前賢既采入詩話則疑信俱傳故仍選載而彙入附錄卷中備攷

一各家詩集體例不一有編年者有分體者有隨手雜錄者茲集各就本人以古今體類次先樂府次五言次七言以歸畫一至卷中提行欵式敬參仿

欽定熙朝雅頌集及國朝詩別裁體例恭遇

列聖廟諱敬遵

史館成規以元允宏容等字代之

御名下一字謹遵缺筆惟遇人名請以甯字代書

一閨秀每姓名下各敘里居表字與夫若子名位以備徵信其無可攷者闕疑以俟如有軼事可傳詩話可引者或詳或畧參以評論使讀者誦其詩如見其人至其中有曾膺一品

正始集

例言

三

紅香館

誥封者則特書之以崇

國恩其有祖父兄弟雅副時望母姑姊妹夙著文名者亦標出之以彰家教至小敘內地名官名多從今稱不尙古雅遵時制也

一我

朝專選閨秀詩者有王西樵然脂集陳其年婦人集胡抱一名媛詩鈔汪心農擷芳全集蔣涇西名媛繡鍼許山臞雕華集其以女史選詩者則有王玉映名媛詩緯然多採

歷代閨秀且未免偏向才調茲集所收有
十分之四餘皆隨時采擇積久成多滇黔
川粵均不乏人且有蒙古命婦哈密才媛
土司女士海濱漁婦未卷又附載朝鮮國
四人更足徵

聖朝文教昌明聲教所訖無遠弗屆此內土司
哈密均隸版圖故散載各卷朝鮮雖自天
聰年間卽奉正朔究係屬國故歸附錄之
後特是香閨雋逸率自珍祕搜羅難遍搃
正始集 例言 四 紅香館

漏實多尙冀有心人隨時錄示以備續輯
一 閨秀生於前明其詩曾選入明詩綜及別
裁等集而其人

國初尙在如紀映淮朱中楣黃媛介方維儀諸
人或膺封獎或爲遭逸均一例入選惟祁
忠惠公夫人商景蘭黃忠端公夫人蔡玉
卿其夫旣以大節殉明婦人從夫自應不
選以全其志而仍錄其詩附於商景徽及

莊氏小傳中以資文獻

一是集所選以性情貞淑音律和雅爲最風格之高尙其餘事至女冠緇尼不乏能詩之人殊不足以當閨秀概置不錄然如夏龍隱周羽步諸人實有逃名全節之隱故特附錄以揚潛德

一青樓失行婦人每多風雲月露之作前人諸選津津樂道茲集不錄然如柳是衛融香湘雲蔡閩諸人實能以晚節蓋故遵國家准旌之例選入附錄以示節取

正始集

例言

五

紅香館

一諸閨友聞余輯錄是集不吝賜教多以瓊章見貽本應全列首集特攷各家選本如鄧孝威名家詩觀盧雅雨山左詩鈔沈歸愚

國朝詩別裁鐵冶亭白山詩介從無題詞是以刊列卷後以從雅好嗣後如有以詩文見惠者仍當隨時補梓

國朝閨秀正始集目錄

珍浦惲 珠編次

卷一

詩七十二首

宗室縣君 科德氏 惲永畢著

烏雲珠 李氏 林氏 希光

沈蕙玉 李氏 紀映淮 曹壽奴

馮氏 朱中楣 范壺貞 吳肅

黃媛介 孔素瑛 方維儀 方維則

倪仁吉 李因 黃幼藻 黃幼繫

鄭啟秀 顏釧 李玉蟾 陳治筠

正始集

目錄

商景徽 趙氏 王靜 錢敬淑

吳山 侯蓁宜 侯懷風 夏惠吉

趙氏 黃氏 沈青友 徐氏

卷二

詩六十六首

陸觀蓮 及默 曹炯 黎大宜

張氏 徐璨 季嫻 黃鴻

吳綃 章有湘 吳玉音 范姝

黃之柔 翁桓 邱紹英 王慧

姜氏 賀桂 張蘩 邢德瓊

祁德萑 朱德容 陸湘水 林蕙

茅玉瑗 卞夢珏 碩塔哈 麥又桂

陸眷西 王靜淑 王端淑 李國梅

吳氏 金氏 夏泚 劉氏

林氏 曹淑英 巢麟徵 汪景蘭

卷三 詩六十八首

許氏 張義姑 顧荃 朱氏

周仲姬 完顏兌 孫淑 馬士琪

吳 吳 謝秀孫 沈采蘋 施 坤

正始集 目錄

二 紅香館

彭 淑 葛宜 董琴 彭孫倩

王素娟 李氏 陶文柔 江 蘭

徐昭華 曼 殊 張汝傳 徐珠淵

林瑛佩 吳喜珠 孫書芸 吳永和

凌淨真 凌潔真 李 源 彭 氏

梁 頎 倪瑞璿 冷玉娟 莊蕢蓀

葉 枌 徐鍾璧 田玉娥 張若瓊

卷四 詩六十四首

林以甯 柴貞儀 柴靜儀 錢鳳綸

顧長任 顧姒 張昊 張昂
毛媿 馮嫻 陳皖永 吳巽

邵笠 蔣蓮姑 陳氏 盛麗珠

陳發祥 卞淑媛 程瑜秀 陳珮

柏盟鷗 廖雪松 王元禮 何志璇

吳年 戴凌濤 沈佩桂 應學韞

錢紉蕙 劉雲瓊 陳廣遜 孫淡霞

李氏 孔繼坤 韓韞玉 湯淑英

楊琇 王蓀 孟思光 詹文蕊

正始集 目錄 三 紅香館

卷五 詩六十六首

蔡琬 袁淑秀 曾如蘭 龍錢潔

陳穀 董氏 盛氏 陳結璘

汪是 趙慈 葉宏綢 張學雅

張學典 張學象 劉氏 吳學素

曹鑑冰 張靜 顏氏 孔麗貞

浦映綠 祝瓊湘 吳黃 李又慧

龐蕙緇 湯朝 荆月 金玉元

彭貞 吳絲 胡秀温 徐紛吾

葉氏 楊雪娥 方可 張 瑛

盧御鎮 胡 瑗 彭幼玉 陳素素

卷六 詩七十九首

莖 秀 王瑤湘 袁寒篁 徐德音

張 氏 蔣 操 黃 荃 周淑履

趙 氏 魏鳳珍 邵 氏 葉鳳威

朱柔則 陳奇芳 汪 瑤 范貞儀

王 煒 玉 書 許飛雲 趙 邠

蔣錦樓 查 惜 許雪棠 徐 賢

正始集 目錄

宗 室 吳萆春 吳鳳儀 劉世坤

蔣季錫 顧 英 商 采 張令儀

彭舒英 楊素書 郭 芬 艷 雪

陳淑娥 方筠儀 張 榮 顏 玉

卷七 詩七十四首

高 氏 郝湘娥 熙 春 王演之

呂晚蘭 張佛繡 姚允迪 吳曇素

武德班 吳 靜 富夢琴 萬 氏

劉若蕙 陳蘭徵 陸鳳池 陳靜淵

鍾令嘉 吳氏 周淑媛 杜璣

楊克恭 楊克順 汪景山 閻璞

方京 楊珊瑚 張氏 顧可貞

胡瓊 王夢鸞 陳守範 蘇世璋

屈鳳輝 華筠卿 毛秀蕙 劉氏

張月芬 張若嫻 黃卷 姚德耀

卷八 詩六十八首

張藻 郭洛羅氏 潘珮 薛瓊

張勤淑 何采 朱氏 吳蕙

王始集

目錄

五

紅香館

紀瓊 張采茵 姜桂 尹瓊華

侯承恩 劉運福 文星 姚世鑑

張素 施寶鑑 孔繼瑛 陳敬

李氏 孫鳳臺 高景芳 許孟昭

周巽 姚暎玉 唐在東 鄧克貞

劉氏 許權 何氏 姚益敬

金順 錢蕙 許在璞 杭温如

張安 沈咏南 王飛瓊 胡舊桃

卷九 詩八十二首

劉如珠 桓若 徐映玉 顧信芳

宗蘭軒 李璵 曹錫珪 曹錫淑

董雪暉 邵思 蕭鶴娘 陳絳綃

李赤虹 李龍川 李瀛洲 鮑詩

杭澄 丁瑜 納蘭筠德 鄧氏

方氏 葉慧光 葉魚魚 汪亮

宋凌雲 王芬 徐七寶 王碧瑩

袁機 袁杼 袁棠 袁杰

陶氏 黃淑晚 何玉瑛 聞徽音

正始集 目錄

秦璞貞 朱曙雲 毛穀 黃仲姬

卷十 詩七十四首

石氏 沈明珥 凌存異 韓氏

汪佛珍 朱靈珠 胡慎儀 胡慎容

李芹月 廖淑籌 許琛 林瓊玉

鄭鏡蓉 鄭青蘋 曹柔和 范齡

許燕珍 姚棲霞 邵氏 張介

潘冷香 鞏年 呂坤德 徐瑤

方靜 蘇蘭晚 查容端 莊燾

蔣氏 王璐卿 劉氏 吳蘭
顏晚思 張屯 陸青存 陳氏

趙玉畦 陳氏 陸小姑 李筠仙

卷十一 詩七十五首

錢孟鈿 方芳佩 思柏 莊氏

陳玉秀 王範 程慰良 蔣婉貞

柴源 溫慕貞 李心敬 楊鳳姝

倪貞淑 陳娟 錢林 唐貞

蘇蘭谷 范淑鍾 王瓊瑤 陳麟瑞

正始集 目錄

七

紅香館

萬氏 王夢蘭 朱達 汪氏

金鶴素 謝方端 武懿 劉春儀

梅史 張錫齡 嚴氏 蘇棻

吳瑛 廖雲錦 潘意 趙淑

王綺 唐玉弟 徐秀芳 徐彩霞

卷十二 詩八十四首

童鳳 印白蘭 巴延珠 陳華姜

梁蘭漪 林氏 屈秉筠 石學仙

沈蘭 姚秀英 周氏 許馥荃

高蘊珍 焦氏 奈五娘 繆孟翹

沈綺 陳蕊珠 吳若雲 杜若

李學溫 王微 孫馥 戴韞玉

吳氏 陸誦芬 馬福娥 昌德娟

左如芬 梁瑛 林馨 趙蘭好

吳湘 汪韞玉 孔蘭英 左北堂

袁淑芳 王蕙芳 羅瑛 許德馨

卷十三 詩八十二首

周映清 李含章 葉令儀 葉令嘉

正始集 目錄

葉令昭 陳長生 周星薇 何若瓊

陳雲貞 熊璉 胡芳蘭 陳學鍾

胡雲英 鄒若瑗 張蕙 周姑媛

兆佳氏 黃璞 葛秀英 江峰青

陶善 顧蘊玉 劉希班 高繁

陳瓊茝 陳瓊圃 鄒氏 許韞輝

柯錦機 秦曇 余性淳 戴蘭英

虞友蘭 陳素安 朱輕雲 閔肅英

趙宜鶴 豐姬 宋靜娟 陸筠貞

卷十四 詩九十四首

瑩 川 方婉儀 蘇晴筠 丁月鄰

曹貞秀 陳玉瑛 舒映棠 陳淑蘭

胡相端 劉氏 商可 馮履瑩

陳氏 徐裕馨 王淑昭 沈氏

歸懋儀 游瑜 陸易遷 張宜雛

高蘊玉 楊雨香 洪井桐 汪紉

王德宜 鮑之蕙 駱綺蘭 盧元素

畢汾 畢蕙 張絢霄 汪玉軫

正始集 目錄

九 紅香館

金逸 王倩 陳安茲 程德輝

王姪 羅柔嘉 方壽 沈芬

卷十五 詩八十八首

張淑蓮 周歸妹 蘇季蘭 楊瓊華

于潔 金淑 朱澄 劉琬懷

羅臨 王薇玉 顧瑩 陳慧殊

林佩環 楊繼端 張瑤瑛 汪元照

黃嘉 李湘芝 張玉珍 金兌

唐慶雲 嚴蕊珠 趙同曜 張瑞芝

張愛芝 卓燦 梁德繩 張淑

戴玉萼 丁素娟 梁青笏 易淑班

細瑄 席佩蘭 陳瑞輝 順氏

白氏 王碧珠 黃氏 劉繁榮

卷十六

詩九十二首

張允滋 張芬 陸瑛 李嫩

席蕙文 朱宗淑 江珠 沈纒

尤澹仙 沈持玉 張靈 王瓊

張因 周澧蘭 瓜爾佳氏 劉氏

正始集

目錄

十

紅香館

鄭珊 殷德徽 徐暗香 吳荔娘

王淑貞 覃光瑤 陳蕊珠 張瑩

吳恒 朱鎮 袁湘佩 程雲

沈淑英 郝豐 姚宛 高氏

胡岫奇 馬鏡荷 姜雲 李繡鸞

盧氏 王迺德 王迺容 顧蕙

卷十七

詩九十首

趙明霞

博爾濟吉特氏

潘素春 賀雙卿

王照圓 尙福娥 周瑤 康瑞蘭

李扶雲 鞠靜文 王玉如 孫雲鳳

孫雲鶴 孫蓀意 張端秀 蔣繡徵

張蓮芳 丁玉蟾 吳之學 陸素心

陸荷青 方曜 袁青 左慕光

史筠 史麗君 鄒淑貞 胡綠

戴俶 帥翰階 白氏 楊林貞

韓氏 歐陽灑 黃儂祥 沈蕙香

邱卷珠 張繡珠 張喜珠 王素雯

卷十八 詩八十五首

正始集 目錄

潘素心 潘正心 黃玉蘊 王韞徽

王崑藻 沈在秀 方氏 史瑤卿

許珠 孔昭蕙 李佩金 郭文貞

朱文毓 熊象慧 項蘅 俞杏貞

虞叶繁 吳繡珠 吳寶珠 秦藹如

友菊 呂氏 舒姍 劉淑

蔣徽 李永 王文淑 吳咏陔

王靜儀 朱文娟 錢惠尊 邱掌珠

黃雲鶴 程元妹 吳柔之 馬師班

潘煥吉 楊清材 李清輝 錢聚瀛

單氏 郭漱玉 郭潤玉 程啟

李靜華 王玉芬 嚴迢 汪增安

張藻 查氏 楊淑媛 陳毓英

李如蕙 汪瑤芳 倩如 唐靜嫻

附錄 詩八十一首

趙雪華 無名氏 徐淑 張氏

無名氏 平陽李 江右鸚 江烈女

愛玉 喬倩媛 尹氏 月移

正始集 目錄

淞雪 陸娟 蘇弱妹 陳坤維

梅田 小卿 鵲紅 湘霞

杜采芙 蕭瑚 周氏 蔡氏

吳興李 繁化奘 圭齋 錢塘李

山陰李 以上里居姓
氏無攷閨秀

智生 曇道人 神一再 生

靜維 靜照 性道人 上鑒

智圓 德日 德月 靜諾

悟源 無垢 悟情 以上清修
尼及女冠

柳是王嫩 薛素素 李香

卞玉京 董白 衛融香 蔡閨

湘雲 高鳳 韓巫雲 陸月香

乙意蘭 以上出籍名妓

婷 婷 李淑媛 海月 許景樊

以上朝鮮國閨秀

補遺 詩九十二首

顧若璞 姚氏 何氏 衛琴娘

柳依依 莊氏 林玉衡 孟坤元

正始集 目錄

徐元象 謝玉娘 計氏 陳端敬

吳氏 注氏 花含英 嚴宗光

姚霞齡 陸么鳳 楊棻 鍾若玉

郭瑛 袁氏 沈氏 伊禮哈

林瓊 張似誼 歸湘 姚益鱗

任婉 宋領珍 江瑞芝 吳淑

沈琳仙 莫兆椿 張玉貞 王瑾

馮儀 袁倩 汪瑾 彭玉嵌

鍾文淑 鍾文貞 徐錦 鄭渾水

王桂蟾 汪氏 孔淑成 黃楨
吳蕙 孟楷 梁符瑞 梁蓉函
范氏 俞桂方 芬 劉蘭雪
慶徽 衛氏 凌瑞珠 江墨莊
江鴻禎 方彥珍 張瑾英 王如圭
顧文琴 虞惠芬 孫玉樹 袁 艸
吳仲嫻 虞山吏 石 巖 宋景衛

正始集

目錄

五

紅香館

國朝閩秀正始集卷一

完顏暉 珠珍浦輯 女孫伊蘭保校字

宗室 縣君 安郡王岳樂女孫固山貝子蘊端女總督諡懋勤那蘇圖子媳 冊封縣君

按貝子卽紅蘭主人又號玉池生以詩畫名世縣君薰習庭訓工寫花卉然不輕以示人此詩得之舊藏扇頭殆吉光片羽云

題自畫牡丹

風風雨雨惜春殘爲愛名花倚畫欄淡著胭脂濃
著墨一枝圖向畫中看

科德氏 滿洲人侍讀學士和素室。女史楚之暉琦填諱。此先高祖姑也祖姑工琴

正始集 卷一 一 紅香館

嘗與先高祖存齋公焚香對彈存齋公取明揚掄太古遺音譯以國書著琴譜合璧十八卷爲操縵家特剏之製乾隆間曾採入四庫全書祖姑聞作小詩輒隨手棄去故無遺稿叔曾祖松喬公諱留保者幼失怙恃祖姑撫養督課舉康熙辛丑進士歷官翰林院掌院學士屢典文衡門下士以勲業文章名世者如鄂剛烈公容安程文恭公景伊裘文達公曰修沈歸愚尙書德潛杭堇浦世駿鈕稼仙汝驥袁子才枚三太史皆極一時之盛

池上夜坐

初月挂林梢池水尙耿耿微風自東來剪碎琉璃
影雲斂碧天高夜靜秋容暝欲撫枯桐枝先得清

虛境

暉

冰字清於江蘇陽湖人諸生鍾嶽次女毛鴻調室。此余諸姑也年十三卽作畫

與姊究心六法尤工花卉翎毛賦色運筆能傳南田翁家學作已輒題小詩風韻蒼

秀乾隆初尹文端公繼善曾以姑畫進呈

孝聖太后

高宗見賞題詩嘉獎聲譽大起踵門求畫者日不暇給子鳳朝鳳梧鳳儀俱習畫孫女周字

榴邨能得其意名噪都下張瓜田徵士畫徵錄以姑爲南田女又稱于四人誤矣合

附正

題自畫菊

秋花繞砌錦爛斑。爲寫秋花獨閉關。天欲老時君

王始集卷一

正少不妨霜雨鑄紅顏。

二

紅香館

小樓昨夜又西風。籬外霜花綻幾叢。閒取丹青爲

點染。倚闌清興有誰同。

畢

著

字韜文安徽歙縣人布衣王聖開室。韜文年二十隨父宦蕭邱父與流賊戰

死屍爲賊擄韜文身率精銳劫賊營手刃其渠眾潰與父屍還葬金陵之龍潭于歸

後夫婦偕隱沈來遠序其詩稿有梨花槍萬人無敵鐵胎弓五石能開又云室中惟

馨何殊孺仲之妻隴上攜鋤可並龐公之偶孝女奇才真不可測

紀事

吾父矢報國戰死於薊邱父馬爲賊乘父屍爲賊

收父讐不能報有愧秦女休乘賊不及防夜進千
貌貅殺賊血漉漉手握讐人頭賊眾自相殺屍橫
滿阬溝父屍與櫬歸薄葬荒山陬相期智勇士慨
然賦同仇蛾賊一掃淨國家固金甌

村居

席門閒傍水之涯夫壻安貧不作家明日斷炊何
暇問且攜鴉嘴種梅花

烏雲珠

字蕊仙滿洲人大學士諡文端伊桑阿
室總督伊都立母 誥封一品夫人。

慎郡王花園堂載筆稱長白女史澹如工
詩每譽蕊仙天資穎異流覽經史寓目不

正始集

卷一

三

紅香館

忘著有絢春堂吟草不以示人常云閨閣
能詩固屬美事但止可承教父兄賡歌姊
妹若從師結友豈女子事耶所記止此一
首故亟錄之按文端公年十八舉進士歷
仕清要參贊綸身享二十年太平歿祀
賢良實爲 熙朝碩望今讀夫人詩音旨
和雅氣度雍容想見大家風範可謂福慧
雙修惜全稿及澹如詩均徧覓不可得錄
此亦見一斑耳

春日書懷

花氣何融融春風來綺閣好鳥引雛飛和鳴如雅
樂清曉啟南窗欣得所託針帶與圖書左右陳
閒錯博山宿火烘建茗新泉瀹偶爾覽畫圖遐心

寄雲壑處順履豐盈懷新甘淡泊造物豈有私
平得至樂

李

氏直隸博野人巡撫尹會一母 誥贈一品太夫人。按會一字元孚雍正初官

襄陽府屢攝篆荆鄂閒太夫人留居襄郡每值祈晴祝雨禳疫驅蝗焚香默禱若響應然襄人德之爲建賢母堂太夫人辭以詩終不能止事見王罕皆檢討文集至今賢母堂尙在乾隆五年會一任河南巡撫疏請終養

高宗賜詩褒之曰聆母多方訓于家無閒言庠風誠所勵百行此爲尊名壽輝比里孝慈萃一門猶聞行縣日每問幾平反一時母賢子孝同被宸章洵可謂人臣榮遇云

辭襄人建堂作

正始集

卷一

四

紅香館

辛苦教兒四十年還將三楚作三遷襄州風土本安樂爲感

皇恩爲謝天

堤名寡婦留江上城號夫人在眼前祇有婆心三寸許何勞士女競流傳

林

氏浙江鎮海人。順治三年大兵下浙江明魯王將方國安走台州氏爲其下所掠矢志不從過百疊嶺以捐血書此詞石壁上自投崖下

絕命詞

生有命死有命生兮妾身危死兮妾心定

希

光 鈕祜祿氏滿洲人協辦大學士諡文勤

永貴子媳員外郎伊嵩阿室以節 賜

旌。伊君病篤希光割股以療不驗誓以

死從伊君以弟妹幼弱一女無依相囑希

光勉從夫言茹荼十年弟娶妹嫁乃以家

政交弟婦經理越歲女嫁之次夕賦詩見

志焚香自縊文勤公錄詩奏 聞

高宗硃

批着伊家好好收藏

特賜旌

獎同時舒文襄公子媳棟鄂氏從夫殉節

亦有絕命詞希光聞而和之惜未傳稿

述志

葛蘿松栢爲婚姻崢嶸夫壻超凡倫盈門不須誇
百兩入座卻喜驚千人三周御後諧紅燭華屋金

堂伴珠玉春風秋月見情懷得事秦嘉願已足一

正始集

卷一

五

紅香館

從清館理瑤琴恩禮殷勤契合深白壁寒冰知妾

志高山流水識君心如賓如友意方遂誰知運阨

龍蛇歲得疾三旬尙未痊馳驅千里隨朝貴病中

作客病彌增書報平安那足憑去後妾惟心戚戚

歸來夫已骨稜稜倚枕纏綿勢愈重膏肓二豎誰

能送一時和緩總虛聲百劑參苓皆浪用眼看一

局欲全輸百計維圖拯我夫聞說通靈惟割股此

時那惜肌膚苦白刃如霜忍痛剜一瓣偷持和羹

煮愚孝愚忠一寸忱皇天后土鑒應眞今日癡痕

在弱體當時血迹滿羅巾人定勝天竟虛語精神
耿耿渾無補瑤琴錦瑟嘆淒涼可憐一旦成千古
傷心萬事盡彫零弟妹多人尙弱齡伯道無兒悲
似續中郎有女痛零丁妾亦何心立人世泉壤同
歸蚤決計餘生尙在非貪生強持妾意從夫意臨
危執手語諄諄嫁娶經營委身泣言身了事未
了惟恃卿存卽我存我夫託我深知我我不報君
烏乎可一死從夫妾不難前言不踐死何安九原
會有相逢日遲速須知事一般尙平嫁事今已竟
正始集 卷一 六 紅香館

可證

新年拜墓

東風驚冷夢嗚鳥暗催人強起傷新節驅車感夕
塵夜臺應有淚人世已無春不盡傷心事淒涼獨

愴神

沈蕙玉

字晚亭江蘇震澤人貢生倪學涵室著
有聊一軒詩存○晚亭性至孝姑亡欲
殉不得遂遺心疾明年母卒竟以哀痛死

自箴

天生丞民有覺其性陰陽肇判含元達順琴瑟載
詠蘋繁攸司夙夜用敬猶懼或虧無日深閨莫余
云覲淑慝在躬指視暗室維椒與蘭植於中田我
思君子淑慎塞淵

先民有言言不出閭牝雞之晨厥家用損節以應
佩琴以和神辭或苟費寧默而存勿尙爾舌寸心
是弛既悔而追不脛千里嗟嗟愚盲慎其德音鸚
鵡多言祇名文禽

正始集

卷一

七

紅香館

紵纒在笥煥乎有爛妻其以風滋我永歎維織與
紵爲坊厥心舍業而嬉淫慝相尋野有絡緯振迅
其翼爾安用媮微羽所疾雖有孔翠不如春蠶之
子纂組不如布練

冀妻如賓孟光舉案夫豈矯情媮惰斯遠啼眉折
腰邦國之妖彼昏罔知反以用驕幽閒貞靜日配
君子載色載笑若左之史敬而能和穆如清風修
身準此維以令終

同聲歌

少小屬閨闈感君意纏綿聘以明月珠迎以黃金

羈結禱自今夕誓好永百年采蘭涉秋水薦藻奉
華筵合歡裁作被朱絲操作絃雖無蘭蕙姿向日
呈芳妍一身皆君有寸心私自憐何用答嘉惠持
以充豆邊在天莫爲雲雨落難上天在地莫爲影
日暮愁棄捐婉變保素志跬步稱比肩

李

氏 廣東陽山人貢生王騶室拔貢安福母
著有一桂軒詩鈔○李氏孝事翁姑詳
載縣志書法道潤詩格樸老不輕
以示人卒後子安福哀集授梓

詠古

葛覃詩三章章三句凡六寥寥數十言勝作萬言

正始集

卷一

八

紅香館

讀貴焉罔或驕富矣非縱欲雖長敬不弛雖嫁孝
尤篤關雎治宮闈麟趾孚宗族宜爾歌螽斯樂只
頌樛木卷耳嗟懷人陟祖痛我僕幽閒兼貞靜窈
窕具聖淑雅化起周南不厭日三復彼爲后妃尊
勤儉卑自牧想其主陰教壺範日勉勗何況士庶
妻黃碑比嘉穀標梅守迨吉江汜泯怨讎化行閨
閣中草偃何其速聖言興於詩有若清風穆此爲
女學宗河海探星宿

大妣興周邦衰妣覆周祀盛衰何懸殊家國同一

理雞牝忌司晨獅吼貽笑訾胡爲衛風中碩人獨
見美所繫德有無不繫貌妍鄙柔顏事舅姑式穀
貽孫子一堂敦雍睦外侮亦可弭溺愛多不明齊
家先克己勿言人皆非勿謂己卽是凡事必自反
尤悔庶寡耳強者馴粗暴弱者振委靡知過毋自
欺聞義貴能徙賢妻導夫善相得魚從水悍婦逢
夫惡爲害弓激矢方寸爭危微終身判滅否休嗟
食藜藿休艷衣朱紫惠吉從逆凶徵驗有經史

婦誠

正始集

卷一

九

紅香館

出嫁事舅姑恩義同父母云何事人親因我爲人
婦天合使之然順逆視所受愛子多愛媳慈愛什
八九愛者情之常不愛事之偶不問慈愛無問我
能孝否竭吾事親心可以占无咎出入敬扶持奉
養勤左右祀先肅蘋蘩燕客滌漿酒服勞本婦職
勿厭執箕帚姆妯須和顏姑叔莫多口持躬務勤
儉接物尙寬厚三從徵婦德百行孝爲首作善天
降祥積慶裕爾後

夫爲妻之綱妻亦與夫齊敵體均伉儷恩愛兩不

疑紅絲一繫足終身不更移無違著聖訓至順昭
坤儀男以剛爲貴女以柔爲宜雞鳴切戒且舉案
思齊眉肯效不賢婦琴瑟乖唱隨悻悻與嫉妬不
顧眾口噬常諧偕老歡匪徇床第私變守柏舟操
益堅冰雪姿古來多淑媛一一垂芳規豪克樹
立半出內助資翟芴荷光寵彤管揚休辭人生寄
一世百年有盡期惟留不朽名萬古恆在茲

爲孝苦不足爲慈苦有餘愛而不知勞禽犢之謂
與女則課紡績男則課詩書課女與課男父母心

正始集

卷一

十

紅香館

非殊高樓峙平地植基恆于初孟母切教子斷杼
三移居良田不耕耨沃土成荒蕪勿謂此父職有
咎豈在予撫摩過姑息玩好隨嬉娛飾非代隱疚
揚善加虛譽庭內日蒙蔽鄉鄰空嗟吁是謂賊其
子厥罪當何如賢母篤義訓心殫志自舒熊丸佐
苦讀禱戒申芳模上可答宗祖下可光門閭

訓婢示長媳耿氏暨姪女慧芳孫女文瑛等
貴賤固有異賢愚亦有分若從一律觀詰責徒紛
紛此輩多拙慧任事常畏勤鞭扑直忍受誥誠如

不聞厥性本重濁燕雀非鸞羣譬之樛櫟材匠石
費斧斤矜愚加訓誨赦過策勞動自然久與化瘠
土堪耕耘寒冬擁薄絮暑月愁饑蟲殘羹與冷炙
竈下潛悲辛誰無父母恩愛之如掌珍家貧兩不
活棄置難相親念此愴我懷彼亦人子身爾曹須
體恤慎勿輕怒嗔

紀映淮

字阿男江蘇上元人布衣映鍾女弟杜李室以節賜旌。前明崇禎壬午宮

州城破杜君被難阿男與姑先匿深谷得不死攜六歲孤兒茹荼三十年以節孝著王阮亭尙書作秦淮雜詩多言舊院時事內有棲鴉流水空蕭瑟不見題詩紀阿男

正始集

卷一

十一

紅香館

桃葉渡

清溪有桃葉流水載佳人名以王郎久花猶古渡

新波搖秦代月枝帶晉時春莫謂供憑覽因之可

結鄰

卽景

杏花一孤村流水數閒屋夕陽不見人牯牛麥中

宿

題女史盧允貞寒江曉泛圖

寒林自昔重營邱，水色山光接素秋。
想藉幽思邀過雁，恰如同泛木蘭舟。

秦淮竹枝詞

棲鴉流水點秋光，愛此蕭疎樹幾行。
不與行人縮離別，弑成謝女雪飛香。

曹壽奴

字山姑，浙江烏程人。著有觀靜齋集。山姑夫遠遊不歸，順治乙酉湖州城破，幸免於難，以節孝稱。

贈伯姊

正始集

卷一

七

紅香館

草有並蒂花，木有連理枝。果有合歡核，豆有同根。
其魚或比目，遊鳥亦比翼。隨同功繭作，綿合吞玉。
爲卮我與子，姊妹願得不相離。出必同車輪，居必
聯屋楣。見月每共拜，弄珠定雙嬉。子妝我掠鬢，子
盥我捧匜。我衣搗子砧，子濯汙我私。機張我續織，
鏡聽子兼持。子褰我衾裯，我舖子粥糜。寒輒擁子
背，暑還扇我肌。子女迭相抱，帷帳恒並施。生從比
肩人，歿以百歲期。

馮

氏

四川邛州人。劉睽度室。前明崇禎末，睽度隨父道貞起義兵討張獻忠，順治

初遣使迎大兵入川會道貞病卒朕度與獻忠戰不克遇害

春日即事

閒步小橋東黃鶯處處逢梨花風雨後人在綠楊

中

朱中楣

字遠山江西廬陵人侍郎李元鼎室尚書振裕母 詔贈一品太夫人著有石

園隨草文江倡酬集鏡閣新集。按振裕字維饒康熙庚戌進士有文名

秋雨吟

漫門携蒲金釧冷暝烟猶綴鞦韆縷一聲新雁動
離思叫徹雲根透纖影翠鈿寒生秋已仲檐敲碎

正始集

卷一

十三

紅香館

玉驚殘夢急雨初收問落花清商暗度棲梧鳳素
娥青女意颺颺何事深閨恨夜長燕去燕還還復
去閒鷗依舊點橫塘

上巳同外攜兒子振裕登滕王閣

水落沙猶曲風恬浪不漩繁檣依斷渚孤鶩沒遙
天醉柳開新火啼鶉破曉烟登高欣有賦索價問

榆錢

春日

小苑焚香逗綠紗攤書隨意注南華春衫未剪寒

仍怯午夢初回日又斜湖外祇堪眠弱柳雨前誰
復餉新茶中懷脈脈閒無奈看取遊絲綴落花

春晚

瑟瑟湘簾裊裊垂嬌鶯初轉最高枝枕稜畫得金
釵響爲記深宵夢裏詩

贈涂年姪女南歸

并序

涂映薇之次女王公子小韓之配也兵亂
入都熊雪堂少宰解驂贖之育余邸舍數
月小韓使使迎歸姪女依依不忍別走筆

正始集

卷一

十四

紅香館

六章以當折柳

錄四

每話家園淚雨潛劖門秋老雁初還驚魂自逐瀟
湘水忍見湓城山外山

時慰愁容強作歡漫傷親串半凋殘珠簾暮雨西
江月盡付離人馬上彈

鬢雪餐氈苦自持誰憐弱息委燕支青青柳色仍
如舊寄與韓郎知不知

共羨山公古道稀黃金解盡出重圍豐城劒合珠

還浦故國文姬此日歸

和外五日自潞河歸津門

地接蓬瀛任所探扁舟何日泛元潭

潭在吉水

椿萱歲

越今逾九兄弟時憐但有三采藥盈筐懷益母書

符結縷佩宜男移樽共向花前醉壁竊還因雨後

甘幾度幽香深院裊半灣斜月遠林含層雲掩映

迷芳樹落照依微度翠嵐鶴草不須煩媚蝶鸞笙

每欲動歸驂千頭種橘寧無念萬里浮家未可堪

却羨數雛還茹哺偶來雙鶴助清談輕風淡宕消

殘暑閒署蕭條憶寸柑戲和新詩君勿笑爲聯險

正始集

卷一

圭

紅香館

韻我何愁鴛鴦並浴翻荷蓋鸚鵡頻餐啄玉函茗

戰晚烟炊細沸蟲征宵鼓劫雄酣寒冰滴瀝聲催

句暝鳥迴翔語覺喃刻艾懸庭驚燕戶伊蒲繡佛

對禪龕鹽梅空負調羹美蒲酒聊斟供饋慙飄泊

漫欣曾解帶逍遙惟喜早抽簪忽雷纔撥鄉思集

方響慵敲旅夢耽借隱宜從翰墨圃同遊直到買

山菴

家有此菴

穉兒聽說家園好解望關河問指南

范壹貞

字淑英江蘇華亭人諸生胡琬生室

楊貞女詩

泉流不廻山上水弦開不廻弓上矢一日許名便
許身女也剛腸有如此讀書不多解識字古來識
字幾男子女生不生七尺棺女死不死萬人齒謂
女不生真不死吁嗟乎喉閒白練飛白虹扶得青
娥上青史

吳

拙字華生又字凝真號冰蟾江蘇華亭人

曹焜室著有忘憂草采石篇風蘭獨嘯
三集○順治乙酉金山兵亂曹君被害冰
蟾甘貧守志以詩書畫自遣時稱三絕惜
未見全集祇於選
本中錄此二首

艷曲

正始集

卷一

六

紅香館

金屋暖生春蘭階人似月但願如月圓不願如月
缺

贈妾紫金環遺郎白玉玦郎恩環不解妾心玉比

潔

黃媛介

字皆令浙江秀水人楊世功室著有湖
上草如石閣漫草○皆令楷書摹黃庭

經畫法吳仲圭幼字楊氏楊久客不歸會
有大力者艷其才欲奪之父兄勸改字誓
不可卒歸於楊順治乙酉城破同楊播遷
於吳越閒爲閨塾師後客都下王阮亭尚
書聞其名寄詩乞畫乃作山水一小幅題
詩貽之有淡墨遙傳縹緲意孤峯只在有
無閒之句詞旨雋
永姊媛貞亦能詩

湖中秋日

憂危只有客心微
贏得湖光蔽竹扉
囊有千詩聊寄賞
家無四壁亦懷歸
青山斷處饒紅葉
黃菊開時少白衣
近水陰晴容易變
忽驚風雨打牕飛

湖上

西子湖頭千頃春
風光不屬去來人
朝嵐夕靄誰收得
半在憑闌半釣綸

孔素瑛

字玉田浙江桐鄉人博士毓楷女貢生金尙東室著有飛霞閣集蘭齋題畫詩跋○玉田精小楷得衛夫人筆意工寫山水畫已即題詩自書之時稱三絕片紙人

正始集

卷一

七

紅香館

爭寶貴余藏有楷書金經一部瑞莊流麗希世之珍也

和閨友松筠來游小園韻

吟情偏愛傍池亭
嫋嫋垂楊恰恰鶯
流水也知描

影好經時扶着曲闌行

方維儀

字仲賢安徽桐城人諸生姚孫榮室著有楚江吟歸來嘆清芬閣集○仲賢早寡大歸守志以文史代織紉工白描大士像與倪仁吉山水周禮人物李因草蟲花卉皆為閨秀畫家冠冕姊孟式字如驪從夫殉難亦工詩

伯姊之粵有贈

昨歲長溪來今歲粵中去
此別又數年離情復何

語明發皖江城山川隔烟霧皓月臨蒼波春風滿

江樹

方維則

字季準維儀妹吳紹忠室著有茂松閣集○季準與仲姊俱早寡年八十餘白首往來商量文字編輯古

題竹

小院何空寂相依獨此君雪深愁易折風急不堪

聞白石移花影青苔擁籀文樓頭殘月上空翠落

紛紛

倪仁吉

字心惠浙江義烏人貢生吳之葵室著有凝香閣稿○心惠早寡工山水嘗種

正始集

卷一

六

紅香館

方竹於庭以自況

題宮憶圖

調入蒼梧斑竹枝瀟湘渺渺水雲思聽來記得華

清夜疎雨梧桐獨坐時

李

字是菴號龕山女史晚號今生浙江會稽人葛徵奇側室著有竹笑軒吟稿○

是菴工畫得陳白陽法嘗刻沉香為白腸像奉之葛歿後家徒四壁頓筆墨以自給畫多水墨蒼老無閨閣氣世以因應音相類遂傳以為專長畫鷹假名規利者迄今

猶然也

鷺嶺山莊尋秋

十丈懸崖挂薜蘿參雲峯頂見嵯峨閒搜怪石秋
林晚獨聽殘鐘曉月過黃葉山前人跡少白雲天
際鳥聲多冷泉亭下潺潺水不許漁舟唱棹歌

長安秋日

高樹秋聲入夢遲夜來風雨簷涼時季鷹自解歸
來好縱之蓴鱸也動思

湖上鏡閣

髻壓雙螺春事賒釣綸來往自浮家小橋柳色朱
闌近檻外溪光送落花

正始集

卷一

一

紅香館

十里湖堤面面山却憐西子鏡臺閒幽心擬結茅
菴住不在林閒在水閒

黃幼藻

字漢薦福建莆田人舉人林恭卿室著
有柳絮編○漢薦係前明通判議女與
妹漢宮俱擅才名而漢薦尤工文章夫亡
以清節稱子名鍾愛粵東山水祝髮爲僧
名海印

亦能詩

孤雁

渺渺高秋外長空一雁遲哀鳴關底事澹遠寫相
思瘦馬征夫淚迴文少婦詩明年樓上過莫向夕

陽時

黃幼蘩 字漢宮 幼藻妹

詠月

清切空階月相依欲二更寂喧非一致千秋同此
明蕭蕭庭中女俯仰觸中情對此令人遠况乃兼
秋聲淺深各有感今昔寧無驚秋在孤雲外愁從
何處生人生有代謝萬物有衰榮茫茫乾坤裏相
積為愁城欲挽西江水一洗襟懷清虛牕來素影
清淚落寒檠

鄭啟秀

湖南耒陽縣人大音女。啟秀年二十未字順治甲午遭兵亂為遊卒所掠投

正始集

卷一

三

紅香館

湘江死七日後屍始浮出顏色如生臂繫紅綾一幅即書此詩

辭世詩

當年畫閣重如珍誰道離羣向水濱寄語雙親休
眷念入江猶是女兒身

顏

鈞 山東武城人諸生陳國瑞室著有借隱倡酬集

夏日山居

山靜偏宜暑松風入夢清危岩飛雨色古樹咽蟬
聲刺繡年來課看雲物外情不知塵市遠聊為證

無生

李玉蟾

直隸天津人

過函谷關題壁

紫氣今何在青牛跡已殘空留五千字流弊到申

韓

陳治筠

字淇園江蘇崑山人諸生余恆齋室

筆

自拜中書令斯文獨在茲管裝青鏤巧毫吐綠沈
奇五色才人夢雙彎少婦眉惟君能領取此外有

誰知

正始集

卷一

三

紅香館

商景楸

字嗣音浙江山陰人徵士徐咸清室著有詠離堂詩草○按咸清字仲山有文

名以監生薦試鴻博將南歸馮文毅公贈聯云北闕上書識盡西京才子東軒賜食歸胎南國佳人嗣音後年八十容貌如二十許猶吟詩讀書不衰姊景蘭字媚生前明祁忠惠公彪佳之配也有悼亡詩云公自垂千古吾猶戀一生君臣原大節兒女亦人情折檻生前事遺碑死後名存亡雖異路貞白本相成才名與嗣音相埒

邯鄲才人嫁為廝養卒婦

妾自承恩初同心縮雙結燦爛若明霞流霞不能

湮晨眺漳河流夜臥叢臺月豈知中道乖蛾眉坐

淪沒春風伴赭衣秋霜改元髮鏡臺寶髻疎羅裳

暗香歇願作巫山雲朝朝反宮闕

趙氏

山西洪洞人劉調
宇室著有唱隨集

暮春

絮雪隨風轉殘紅帶雨飛幽懷無可訴抱恨送春

歸

王

浙江山陰人

渡錢塘

風微月落早潮平江國新晴喜不勝買得一舟輕

似葉載將山色過西陵

正始集

卷一

三

紅香館

錢敬淑

字師令江蘇江寧人諸生談允謙室

泊浦子口

殘年泊征棹載酒數歸程雪圃芹芽白江醪竹葉

清夕陽新別路衰草古離情隔岸寒山色疑眸望

舊京

吳

字岩子安徽當塗人縣丞卞琳室著有
青山集○岩子工草書善畫中遭患難

轉徙江淮中西湖梁溪虎邱廣陵諸
集後築室石城青溪間以靜修終

泊舟香口

薄暮到香口風迴卽泊舟一溪分竹進兩岸斷江

流落日明殘，曠荒烟襲廢樓籬。邊雞犬靜寥落，使人愁。

幽居

獨尋幽處結孤茅，泉石膏肓疾未消。放鶴啟扉欵
醉竹，通泉鑿石跨飛橋。露香秋老收蓮種，花雨春
深課藥苗。食罷行吟循澤畔，權歌聲引夕陽潮。

侯綦宜

字儂南，江蘇嘉定人。諸生。龔元侃室。著有宜春閣集。儂南前明文節公。岐曾女。遭家變，歸龔貧甚，閉門辟纒，有偕隱之志。遺懷有云：三旬九食，賢人厄麥飯，葱湯婦道乖。人稱其賢如德耀云。

正始集

卷一

三

紅香館

病中述懷

秋風策策雁來遲，病況纏綿強自支。有藥難醫貧
到骨，無錢可買命如絲。燕臺夢隔三千里，槐枕腸
回十二時。兒女關情誰判遣，聊憑一紙寄君知。

侯懷風

字若英，江蘇嘉定人。綦宜從妹。

感昔

黃河流水響潄潄，當日腥風戰血殷。大地盡拋金
鎖甲，長星亂落玉門關。居延蔓草榮枯骨，太液芙蓉
失舊顏。成敗百年流電疾，蒼梧遺恨不堪攀。

夏惠吉

字昭南江蘇華亭人昭南係前明郎中允彛女與姊美南並以詩名美南後

入空門改名神一

二月雨雪同靜維棲止曹溪並美南姊作

天涯風急雁飛鳴雨雪相依倍有情點點遠山寒
玉聾層層深樹夜珠明論心此日歡方洽惜別他
時感又生便欲隨君愁未得梅花香夢隔蓬瀛

趙

氏浙江仙居人諸生炳昊女張錦室。順治初明魯王兵走温台氏被俘至沙埠溪兒口聞夫已被害卽嚙指血題此詩衣間投水死詳載台州府志

絕命詩

正始集

卷一

五

紅香館

鼓鼙滿地不堪聞天道人倫那足云聽得睢陽空
有舌裙釵只合弔湘君

黃

氏廣東潮州人諸生王沅室

聽琴

拂琴開素匣何事獨顰眉古調俗不樂正聲公自
知寒泉出澗澀老檜倚風悲縱有來聽者誰堪繼

子期

沈青友

江蘇太湖人

鱸魚

晚天移棹泊垂虹閒倚蓬窗問釣翁爲甚鱸魚低
價賣年來朝市怕秋風

徐

福建莆田人同知麗女○氏長於
史學著有廿一史評宋珏爲之傳

秋日憶姊

日夕登郡樓望遠意悠悠四顧何蕭條淒涼景物
秋嗷嗷雲中鳥翩翩呼其儔鬱鬱堂前樹蒼蒼枝
相樛因之懷同氣撫景雙淚流臨風無限思憑軒
獨夷猶

夷猶將何見惻惻使心傷歷歷眾星光杳杳夜何

正始集

卷一

五

紅香館

長感時起百憂悽然懷故鄉况復高秋夕兩地遙
相望

相望隔雲天執手在何年言將元鳥寄心與白雲
懸生平懷壯志慷慨景前賢窮理期入奧舉筆思
無邊棣花不復覩此意與誰傳願爲雙脊令寥廓
共聯翩

國朝閨秀正始集卷二

完顏暉 珠珍浦輯 女孫金粟保校字

陸觀蓮

字少君號雨鬢道人浙江嘉善人布衣
受丹生室著有蔣湖寓園草。按丹生

字山夫與雨鬢借隱於震澤西村唐陸魯
望鬪鴨欄卽其地也有池尙存草屋蕭蕭
烟火時絕比舍聞歡笑聲則雨鬢詩成山
夫擊節而歌林鳥山鶴一時驚起後以避
水居蔣湖之西園雨鬢生時母
夢大士授以蓮花故名觀蓮

蔣湖寓園對月

并序

夫觀千劍者能劍觀千賦者能賦服習眾
神豈不然哉余少依姆師僅通章句長隨

正始集

卷二

紅香館

夫子遂曉詩篇柳下棲遲未見薦禽之客
隆中高臥誰爲友葛之人以是同梁生之
出關深慚德曜異少伯之辭越不羨夷光
長與蠹簡爲親蕭條三徑獨向芸編爲伴
離別經年兒既能文女亦識字歷冬夏以
靡輟慣饑寒而不啼旣而遊子來歸不殊
師友之對時有高人造訪實多贈答之辭
稍知工拙之分畧窺正變之則荏苒數載
常如不繫之舟留滯他鄉盡是若浮之梗

昨因避水來止斯園門揜深村對琅玕之
个个人歸遠浦汎雨雪之紛紛盼望故廬
不逾衣帶言旋舊里終隔山河落花與芳
草相依明月共清風自舉顧此幼女夙慕
古人如左氏之有芬才華挺茂在荀家則
爲灌志畧英蕤朱粉不施自是蓬門之質
丹鉛能好居然林下之風以此消愁差可
釋悶嗟夫篇章耽玩詎爲失意之悲兒女
關情不作無家之別況聞郝公築室植松
桂以相招陶令卜鄰樂晨夕而不返興言
在邇益復牽懷簡棄舊篇獨存新什豈徒
誇謝庭吟絮蔡閣聞琴而已哉

青天掛明鏡輝光照我牀展轉不能寐起坐空徬
徨徬徨亦何爲曰思我故鄉瓶齋舊隱處乃在茜
水陽廿年幾播遷渺渺天一方回思手栽樹橘柚
徒含芳安得生羽翼摩天一翺翔

寶劍篇贈外

吁咄哉荆卿劍術旣不成雖有寶劍徒空名千年

正始集

卷二

二

紅香館

黯黯閉秋水雙匣渺渺埋龍精狐狸夜鳴風雨惡
蛟螭晝舞波濤驚我持此劍若明月眾星朗朗隨
其行又持此劍若白日羣妖退走櫬槍平櫬槍平
眾星沒送君贈君君莫惑古來遇合自有時神物
出處當知之

辰山步虛詞

鬱蕭宴罷列仙歸彩鳳青鸞各自飛勅賜珍珠三
百斛滿身瓔珞繞天衣

爰

默字齋季一字墨姑浙江桐廬人丹生女
著有閨隱集○墨姑受書母氏七歲通

正始集

卷二

三

紅香館

孝經九歲能詩故母氏有句曰憐渠最幼
小獻歲解吟詩蓋自詡也年十五隨父母
入九峯山製步虛詞有多緣誤折瓊枝樹
謫下瓊臺十五年句尋母病泣日脫母不
諱兒願同往母領之母卒三
日亦卒殆飛仙偶謫人間耶

和母寶劍篇贈兄

牀頭夜半雙龍吼光攝羣妖暗星斗風雨霹靂一
瞬閒木拔沙飛石亂走古來神物本平常遭時遇
主生晶光拂拭霜花將解贈時無烈士空徬徨空
徬徨莫太息木蘭啣啣當戶織阿兄年少射白額
歸來摩挲看太白

曹

宇重光直隸天津人著有非非集○重
炯光生而胎素熟讀黃庭經背誦如流年
及笄作遊仙
詩投筆而逝

遊仙

朝來洞口飯青精
晚侍金仙宴玉京
憶得昨宵松
下坐月明星朗聽吹笙

九天何事萬仙齊
玉旨傳來賜錦衣
憶得元都朝
謁散雙鳧仍伴彩雲飛

黎大宜

江西南城人○曾賓谷中丞江西詩徵
載大宜母夢人贈瓊花一枝而生有夙
慧通書史許字劉生劉久客不歸或勸其
母他配大宜曰有死無二母遂止居嘗持

正始集

卷二

四

紅香館

齋誦經一日病臥夢大士召之去既寤作
此詩疾革作絕命詞有未必瓊花第一枝
不禁風雨幾淒其句遂跌坐而逝逝
三日寄夢其父云在圓通殿掌文卷

病中夢醒作

貞心一點自操持
不向人間巧畫眉
赤腳已參禪
八乘白衣猶是髻
雙垂瓶中甘露憑誰乞
天外楊
枝待我披莫道此閒無
造化蓮花高坐碧參差

張氏

山東德州人知縣田緒宗室巡撫雯母
誥贈一品太夫人著有茹荼集○按

緒宗字蓼菴雯字山薑蓼菴字麗水早故
太夫人攜諸孤扶櫬以歸紡績課子長子
雯中子需相繼登朝居華要太夫人年七
十時親黨議張屏幃設宴為壽太夫人乃

據經史爲書干
言示諸子止之

示兒

一部楞嚴戶晝扃木魚竹杖倚圍屏老人自覺修
齋好不爲兒曹講佛經

送大兒震之楚

黃鶴樓前白浪生江流滾滾鄂王城倘從鸚鵡洲
邊過一弔才人禰正平

徐

璨字湘蘋江蘇吳縣人大學士陳之遴室
○湘蘋善屬文工填詞不減北宋人風
調兼精繪事尤善寫白描大士相之逸獲
罪安置瀋陽湘蘋偕行發願繪大士相一

正始集

卷二

五

紅香館

藏康熙
中放歸

秋日漫興

帝苑芳春鳳吹諧看花曾遍洛陽街行吟緩控青
絲轡擊節頻抽白玉釵共挽鹿車歸舊隱幾浮魚
艇散秋懷霜風掃盡烟霞況愁見龍城葉滿階

季

嫻字靜嫻江蘇泰興人給事中開生女兒
李長昂室著有兩泉龕集○按開生字
天中以事謫戍尙陽堡父老家貧靜嫻
迎養克盡孝道又督姪讀書時論稱之

得天中第訊

憐爾關山隔書從塞北來黃雲彌大野白草遍荒

臺風勁豺狼嘯天高鴻雁哀登樓應有賦何日共

銜杯

黃

鴻 字鴻輝浙江仁和人諸生顧若羣室著有廣寒集林下詞選

感懷

并序

予以多病少憩湖庄青衣相扶朱顏自媚
戀春光之不再愴秋氣之爲悲聊賦選體
一章敢擬秋興之篇用代郊居之作

寒雨洒空館疎花媚幽砌羅帳濕芙蓉秋風深薛

荔櫻桃二月天香氣吹蘭蕙灼灼西湖濱誰不羨

正始集

卷二

六

紅香館

佳麗含笑或雙萼合歡常並蒂葉葉皆婀娜枝枝
自搖曳翡翠明月珠羅列相閒綴五步揭清臚十
步牽華袂一自鶻鳩悲始知桃李脆顏色幾時好
小山託叢桂物序良足歎因之惜年歲

吳

綃 字素公號冰仙江蘇長洲人通判水蒼女巡道許瑤室著有嘯雪菴詩鈔○冰
仙工小楷善丹青家有古琴月下時撫弄
之馮定遠持論少可多否獨推許冰仙有
與高陽夫人論古詩
樂府源流見文集中

嘯臺

魏晉已如夢荒臺今尙存龍蛇正交鬪鸞鳳已高

騫避俗惟長嘯逢人常不言始知真隱意何必入

桃源

詠古

公子翩翩信絕倫擬將豪舉却狂秦不知賓客成
何事枉煞樓頭斬美人

楊柳枝詞

宮柳初開一抹眉武昌城下乍逢時春來樹樹烟
條綠欲認何枝是舊枝

寒食東風已滿城小枝纖弱拂啼鶯東風不惜離

正始集

卷二

七

紅香館

人苦又向前年折處生

章有湘

字玉筐又字令儀號橘隱居士江蘇華亭人知縣簡女進士孫中麟室著有澄

心堂集望雲草再生集。按中麟字振公舉南宮五日而歿玉筐悲號引繩自經者再姑與婢救之得不死撫孤繡佛以終姊有源字瑞麟妹有渭字玉璜並擅才名

哭夫子

一自公車去不還從今信有望夫山赤繩虛繫三
生約紅淚惟餘兩袖斑訣絕未親真恨事夢魂時
傍見權顏也知修短原無定豈料榮枯頃刻閒

千里良緣合倡隨于歸不滿十年期最傷薄命分

鴛侶猶幸高谷占鳳池故國魂歸芳草外長安春
去落花時玉樓痛絕修文召不遣簪毫報

主知

蜀魄啼鵑道路長鵲鴿無復雨連牀中郎事業書
千卷子敬人琴淚幾行不死丹心終化石餘生青
鬢總成霜與君不共齊眉案紙閣蘆簾瘞孟光

吳玉音

字珮環浙
江錢塘人

踏青

蘇公堤畔畫橈停一路香風百草青自對春山看

正始集

卷二

八

紅香館

花鳥六橋歌管幾曾聽

范

字洛仙江蘇如臯人舉人
李延公室著有貫月舫集

聞蟋蟀有感

秋聲聽不得況爾發哀吟遊子他鄉淚深聞此夜
心已憐妝閣靜還慮塞垣深蕭瑟西風緊行看霜
雪侵

黃之柔

字靜宜號玉琴安徽歙縣人知府吳綺
室著有玉琴齋集。按綺字蘭次以詩

名詞

園居卽事

避俗聊尋勝山園景物幽半篙春後水一笛雨中樓刻竹驚棲鳥拋花引戲鷗還邀諸女伴更上木蘭舟

翁 桓 字少君浙江錢塘人布衣胡介室

重過西湖

風風雨雨鳥空啼草綠山腰水滿堤畫閣已傾歌舞散十年重到六橋西

邱紹英 字少雲號伴航江蘇長洲人著有伴航集

送少微遊廣陵

正始集 卷二

九 紅香館

漫折垂楊柳留牽去日情片帆辭澤國孤夢繞燕城江月依人遠山鐘入暮清可憐芳草意偏向故園生

王 慧 字韞蘭江蘇太倉人學道長源女諸生朱方來室著有凝翠樓集○王氏世以文章名韞蘭早寡詩集爲其兄吉武刊以傳世佳句五言如紈扇三春月湘琴五夜

霜風懷看綠柳愁緒比黃楊七言如蕭蕭竹影遮紅葉細細波紋映白魚楊柳溪橋初過雨杏花樓閣半藏烟淚淹紅袖傷離日愁在黃昏細雨中牆角紅殘桃結子石盆清淺菊分芽柳絮飛殘青滿徑豆花零亂綠圍村棠梨謝後猶花信櫻筍過時已麥秋幾處溪山留薜荔一秋風雨在芭蕉一縷柳花飛不定和風搭在繡床前皆爲

王阮亭漁洋
詩話所稱賞

山陰道中

出郊忘遠近十里清陰中
川陸互回沒延緣遂無窮
岡巒去殊勢竹樹交成叢
安知蒙密處下有溪流
通石橋路可尋一轉迷
西東烟空人不見寂寂
山花紅

行行轉深迥所得益幽奇
萬壑與千巖今來始見
之紛紛紅復碧相引呈
異姿心目所應接人各
領其私烟縷出叢薄山
家住茅茨人世杳然隔
何殊

正始集

卷二

十

紅香館

太古時

夜寐聞鵬有感

微風動簾幃明月穿牕紙
淒其夜三更萬象寂於
水牆頭有棲鵬長嘯慘人
耳聞之心凜冽百慮紛
然起痛死賜暗摧念鬢髮
怒指因憶泉下人臥病
當秋始血枯夜不眠神虛
聽無主忽聞此鳥鳴失
驚向余語恐是不祥音
悲哀念兒女執手魂已消
相看淚如雨回視壁閒燈
青熒如豆許哀哉念此
境又易兩寒暑其閒翻覆
多變幻難枚舉鬼蜮肆

欺凌孤燹瀕九死伶仃諸雛弱何以禦狐鼠愁攻
與恨積胸膈漸成痞恐復蹈覆車誰可託遺累勉
力事刀圭葠苓貴無比糗糲尙艱辛何力能致此
微生任浮沉得失憑天矣

蚤蝨

主人隱南山習靜安恬退躬耕困操作盡日少舒
泰嚮晦得休息黑甜實可愛無端有小醜種種微
癬疥黑白分部落強弱遠不逮白者多雌伏乘隙
始爲害豈知黑性黠公然肆狡獪猿猴如脫兔疾颺
正始集 卷二 七 紅香館
若飛蠶銳侵凌啖膏血騰擲任變態流毒屢搔爬
剝膚恣嚼噉橫行已不逞跳梁胡可耐主人肘腋
閒擅據爲食采無功恣饕餮問罪豈汝貸分頭各
搜緝狡黑無遺類貫心試棘針磔體充確磔黑固
難遁逃白亦遭芟艾誅宦及無鬚千古同一慨蕩
然眾孽平投杖始得快非不慕蕭衍捨身恐貽悔
此乃臥榻旁安能容若輩

冷泉亭

泉聲檐檻外林壑杳然深人世熱何處我來清到

心松林藏日色潭底臥峯陰一自樂天記山光寒
至今

秋夜夢同先慈賦詩得天上桃花之句覺後
因足之

太華峯頭見上眞霞衣綽約是前身海中若木何
嘗夜天上桃花不計春瞬息去來原是幻片時歡
笑亦相親鐘聲已碎昆明劫好向毘伽問後因
鄰女因婿無籍淪於塞下聞而有感

曾向鄰居共絳紗裁雲詠絮鬥芳華香沾繡帙同
正始集

卷二

五

紅香館

分線春暖妝臺互送花漫說羅敷原有婿可憐蔡
女竟無家於今辮髮垂雙耳紫塞斜陽泣暮笳

移居茜里舊宅

新塘一水繞街東舊是桑麻五畝宮松菊尙存思
祖德蓬蒿不剪見家風花深雞犬疎籬外潮落魚
鰕小市中却愛堂前雙燕子還尋故壘入簾櫳

禹陵

明德彌蒼昊神功邁大庭懷襄方盡力輶櫟極勞
形草木開蒙昧龍蛇滌穢腥鑄金九土貢誌怪八

方經蒼水先呈簡防風後至刑相傳弓劍棄此地
隧泉扃三古遺祠廟千秋共薦馨璧牲前代典碑
版列朝銘深殿從羣后空山走百靈舊聞雲罕駐
今見

翠華停心法傳河洛

天章煥日星

殊恩沾後裔異數出明廷肅穆瞻新像登臨泊小
舫城垣辭鏤琢戶牖炯丹青莫覓藏書穴徒看窳
石亭蘿長颯竄跡松老鶴修翎眾水環襟帶諸峯
正始集 卷二 三 紅香館

列嶂屏橋山同故事寂寞對秋垆

姜

氏字淑齋號廣平內史山東膠州人布政使宋可發子媳著有淑齋詩草○淑齋書法摹二王入神王阮亭尚書極賞其統素便面朱竹垞太史題其詩卷有太常引詞云三真六草寫朝雲幾股玉釵分彷彿衛夫人問何似當年右軍鬱金堂上青綾帳外小字誦初聞門掩謝池春定書遍雙鬢練裙其見重如此

中江縣驛館題壁

清泉石上溜松風薄受霜華葉乍紅曲徑通知
遠近一條竹杖萬山中

賀

桂字秋安號竹隱居士江西蓮花廳人知縣龍有珠室著有竹隱樓草○秋安工

獨漉篇

獨漉獨漉劍埋於獄其氣干天不同一割一解死

傷於虎為虎之俚虎中於機俚且嘆望二解烏劍

噴墨以為身窟巧莫之若終死於墨三解眾鳥呼

山清濁各別誰欲弋鳥莫中清潔四解

張 蔡 字采于江蘇吳縣人貢生
吳士安室著有衡樓集

戲為外子撥悶

失意休教苦自煎與君把卷論前賢兒頑自笑同

正始集 卷二 齒 紅香館

王霸婢鈍何須學鄭元滌器嘗鱸情更洽操春與

案志猶堅久藏賴有牀頭醞莫負梧桐月正圓

祁德瓊 字修媽浙江山陰人諸生王鰥叔室
修媽為前明祁忠惠公彪佳女母商夫

人景蘭博學工詩修媽姊妹魏承慈訓
一門風雅姊德淵字毀英著有靜好集

送別黃皆令

萬山寒秋月一葦寒秋波美人理遠棹秋色低星

河送君青雀舫贈君金叵羅別路不辭遠別酒不

辭多良辰惜分袂分袂當奈何雖有千金裝何如

五噫歌

和黃皆令遊密園

朔氣晴開萬戶烟
寒林落日點紅泉
十年往事悲星散
千里交情共月圓
松徑猶能邀令客
桃源應信有羣仙
攀芳踏盡池塘泥
印蓮花步步妍

邢德苴

字湘君德瓊妹諸生沈萃社室著有寄雲草

古意

憶昔與君別楊柳絲堪結
芳草積如烟飛花亂成雪
數載客京華念君遠別家
欲知遙塞雪但看故園花
芳時處幽獨蜘蛛網金屋
細雨昨夜零春苔
正始集卷二
五
上階綠對鏡厭孤鸞
凌雲怨黃鵠顛頓玉臺人賜
斷珠簾曲爲歡須憶故爲衣
莫道新願持江國月
流照蘇門春

朱德容

字趙璧浙江山陰人諸生邢奕禧室

遊山

寂寞佳山水樓臺薜荔閒
野橋分竹路高樹繞溪灣
徑曲留琴語杯寬破客顏
夕陽鐘磬外猶有暮

雲閒

陸湘水

字秋濤湖北漢陽人諸生李文煥室著芥林下吟

煮茗

晝長寂寂蓬門靜石盃香生午夢高桑苧只今惟
有陸羲皇隨地不須陶烟廻南苑驚栖鶴風送東
山響細濤會見清陰來拂幌悠然相對獨猶教

林

蕙字住英福建泉州人著有香咳集

蘭

春山隨意佳雨過香初足美人在何許不語倚空

谷

茅玉瑗

字小素浙江錢塘人。小素工畫

正始集

卷二

六

紅香館

題自畫扇

信手閒將水墨塗雲山一片景模糊自然有个如
他處不必披圖問有無

卜夢珏

字元文號篆生江蘇江寧人縣丞琳女舉人劉師俊室著有繡閣遺草西泠閨

詠。篆生爲女史吳岩子女筆墨疎秀有母風吳梅村祭酒題其集有云絳紗弟子稱都講碧玉才人本內家又云紫府高閒詩博士青山遺逸女尙書其推重如此

秋眺

吟息啟層樓秋光放眼收雲歸山自在江靜水安
流遠樹平於草孤村小若舟寸心猶漫擬聊許似

閒鷗

頽塔哈

滿洲人

和白曉月題壁韻

并引

右怨別詩白曉月氏作也初曉月姊距妾家本數武故得朝夕會凡有感觸輒成詩詩輒示妾戊戌歲以中秋對月作見示且索和中有句云邊塞征人意深閨思婦情妾亦口號成律有物隨秋漸老人與月同孤句越明年渠良人遠戌去今年夏妾夫

正始集

卷二

七

紅香館

子亦從軍徂閩蘭房寂寞錦帳生寒秋月春花徒伴一牕蕭瑟曩者中秋對月句斯其識歟嗟乎通於才而窮於命豐於貌而嗇於時者古今來指不勝屈妾才若貌固遠弗逮姊氏萬一其時命不偶與之稍稍上下今讀渠壁閒韻勿禁泣數行下因嗚咽握管次成絕句

領畧春光今共誰杜鵑聲裏最堪悲香闌夢繞沙場月曾見征人亦淚垂

麥又桂 廣東香山人舉人霖女諸生何懷向室姊英桂年九十餘自號獨醒老人亦

工詩

漢中懷古

羣雄逐鹿費經營
芒碭龍興帝業成
儲子恩疎憑輔翼
若翁情薄忍杯羹
功闕天授虵猶哭
猜甚人謀狗亦烹
任向大風歌壯士
那知泉下泣韓彭

陸眷西

字初月浙江仁和人布衣余懷側室○按懷字澹心別號鬢持老人流寓南中

以詞曲名

憶西湖

正始集卷二

六

紅香館

曾記西湖六月天
藕花如錦斷橋邊
至今夢裏猶來往
聽得錢塘喚渡船

王靜淑

字玉隱號隱禪子浙江山陰人著有清涼集○王隱係前明僉事思任女鹽妹

玉映俱擅才華夫亡清節自守

秋日菴居

空齋度深夜
高臥一牀秋
苔老渾無色
溪清淺欲流
塵隨紅葉埽
心付蠟雲收
蕭瑟聞征雁
空歸萬籟休

初夏同玉映妹遊山

欲覓清幽處山高恐不深閒雲飛別浦野鳥定花
陰筍嫩留飢採茶香待客斟深閨無限意觸景破
愁心

王端淑

字玉映別號映然子諸生丁肇聖室著
有玉映堂集吟紅集所輯有名媛文緯
詩緯○玉映天資高邁楷法二王畫宗倪
米幼卽博通經史父季重嘗撫而憐之曰
身有八男不易一女毛西河選浙江閩秀
詩偶遺其作玉映遂寄以詩云王媼未必
無顏色爭奈毛君筆下何
西河亟索其集而選定之

代外贈別毛大可

西冷月落板橋霜衰柳長堤祇自傷幾日窮愁兼

正始集

卷二

元

紅香館

別怨一帆秋色帶斜陽浮雲影逐離亭路歸雁聲
淒碧草塘學採芙蓉江上去黯然回首恨茫茫

題黃皆令畫

孤亭秋樹色卽是雲深處寫此數峯青倒逐扁舟

去

李國梅

字芬子號韞菴江蘇興化人布衣瀚女
諸生解舉鼎室著有林下風清集○按

瀚字籀史以書名韞菴生有夙慧九歲賦
落花詩卽有鶯聲喚轉夢中人句年十二

籀史指庭前鳳仙花命賦應聲立就籀史
書聯揭其閨中曰題詩雲起珊瑚架作字

烟飛鸞鳳牋深予之也于歸後夫婦
偕隱年登大耋白首相莊鄉里稱之

將進酒

朝吟薤露歌夕進新豐酒黃鵠舉翼四海窄鷓鴣
齷齪夫何有尊前有酒盤有餐請君秉燭遊夜闌
我聞人生不滿百何用行憂坐嘆周朱顏君不見
漢家丞相富貴時賓客傾蓋如雲馳片言不合下
詔獄折辱翻遭小吏欺又不見田蚡竇嬰相傾奪
公卿半屬門下客一朝勢盡歸武安魏其筵前誰
避席人情反覆多如此世路羊腸宛相似周公大
聖有流言鄒衍遭讒誰見理高牙大纛專城居不
正始集 卷二 三 紅香館

如閒行隴上把耕鋤鳴鐘列鼎食萬戶不如閉門

安坐酒一壺流光駒隙亦易過咄嗟身勢徒邱墟

試看紛紛行路者覆車折軸將焉如

吳

氏號樓梧閣主人安徽桐城人。樓梧年二十五而寡性高潔好讀歷代史老年

猶手編

詠史

六貴同朝激虎彪橫江勒馬下西州銀鎗酒市春

雙靨玉屨蓮臺月半鈎趙鬼西京諳漢賦阿兄東

閣壓通侯誰知講武旄頭入芳樂笳聲碧麝秋

南齊

同泰一人歸佛地壽陽千騎渡江波盟成自取金
甌缺蔬絕空陳雞子多五月誰勤君父難七官先
反弟兄戈江淮廢後襄陽促秋草臺城放橐駝梁
臨春閣上萬花妍寶帳朱簾裊蕙烟鼙鼓飛衝朱
雀路軍書壓損繡牀邊嫦娥入月昏銀鏡狎客還
家碎錦箋賸有景陽宮畔井胭脂春水咽殘絃陳

江南一劒捲秋霜半壁山河入雒陽百尺樓空蓮

葉碎翠微亭冷鳥聲荒臨城悽愴填宮曲辭廟倉

皇聽教坊日夕淚痕誰洗面錦書封恨報紅妝南唐

正始集卷二

三

紅香館

金

氏字法筵江蘇吳縣人諸生沈六書室

偶然作

灼灼庭前花春風門紅紫隨榮復隨謝盛衰偶然
爾草木豈無情誰能一生死我思更如何欲種菩

提子

夏

泚字湘友江蘇無錫人薛旣央室

懷吳蕊仙

癖耽翰墨費吟哦欲寄愁心到薜蘿江外故人青
眼在山中女伴素書多天涯燈火誰同調歲暮冰

霜獨抱疴彈指流光容易擲家園歸夢近如何

劉

氏

四川富順人參將蕭某室以節

賜旌

○段王裁富順縣志載氏流寓滇南夫官雅黎順治十六年己亥明桂王朱由榔走緬甸滇南兵亂氏以七歲子付家奴遣之蕭任自取壁間驛梅驚別意堤柳暗離愁十字仿離合體題十絕句欲自縊聞兵至急攜幼女赴井死尋郡守上其事入祀節孝

題壁十首

錄四

馬革何人能裹屍四維不振笑男兒幸存碩果傳
幽閣驛使無由到雅黎

木偶同朝祇素餐人情說到死真難母牽幼女齊

正始集

卷二

三

紅香館

含笑梅骨稜稜傲雪寒

土兵却去又官兵日望征人不欲生正練有緣紅

粉盡堤邊一撮是佳城

木嫁緣知冠蓋凋夕陽古道冷蕭蕭邑邊似聽征

魂泣柳絮因風不待招

林

氏

廣東東莞人侍讀學士蒲封女御史鄧大林室著有小山樓草

墨梅

半帶霜痕半霧姿天工不奪畫工奇依稀小院參

橫夜疎影斜窺洗硯池

曹淑英

字華玉安徽歙縣人程怡堂室

秋夜偕夫子小飲

灑氣宵來爽明河耿欲流有懷常不寐薄飲暫消
愁砧響千家月蛩吟四壁秋家貧爲婦易斗酒幾

會謀

巢麟徵

字淑只江蘇武進人震林女諸生黃初室

歸舟卽景

兩隄烟柳碧于紗中夾柴扉三兩家數點睡鳧飛
不去月明溪漲白蘆花

正始集

卷二

三

紅香館

汪景蘭

浙江永嘉人

虞美人草

春殘歷亂滿園陳芳草空憐姓氏真艷質不垂紅
粉淚嬌資猶學細腰人庭前拍掌迎風舞垓下聞
歌翠黛顰開遍江南與江北倩誰爲賦洛川神

